

**HELAIAN MAKLUMAN PRODUK**

Sila baca dan fahami Helaian Makluman Produk ini sebelum anda membuat keputusan untuk memohon **PEMBIAYAAN AMANAH SAHAM BUMIPUTERA-i**. Pastikan anda juga membaca terma dan syarat surat tawaran. Sila dapatkan penjelasan daripada kami sekiranya anda tidak memahami mana-mana bahagian di dalam dokumen ini

**NAMA PRODUK:****PEMBIAYAAN AMANAH SAHAM BUMIPUTERA-i****TARIKH:**

[Tarikh ini untuk diisi oleh Staf Jualan]

**1. Apakah produk ini?**

Ia adalah suatu kemudahan pembiayaan berjangka berlandaskan Shariah bagi memudahkan anda untuk melabur di dalam unit-unit Amanah Saham Bumiputera (ASB).

**2. Apakah konsep Shariah yang digunakan?**

Kontrak Shariah yang digunakan untuk produk ini ialah Murabahah (kos berserta keuntungan) berdasarkan aturan Tawarruq (Komoditi Murabahah). Ia adalah kaedah jualan di mana kos dengan harga penambahan adalah diketahui oleh anda di mana anda akan membayar harga dalam tempoh masa yang dipersetujui. Aset yang mendasari urusniaga jualan merupakan komoditi khusus patuh Shariah yang boleh dipasarkan.


- Mengikut pembiayaan secara Komoditi Murabahah, kami memperoleh/membeli komoditi patuh Shariah daripada pihak ketiga (Peniaga Komoditi 1) atas permintaan anda.
- Kami kemudian menjual komoditi kepada anda dengan harga jual bank yang terdiri daripada harga komoditi campur margin/keuntungan kami. Anda membayar secara berjangka dalam tempoh masa yang dipersetujui.
- Kemudian, anda akan melantik kami sebagai wakil untuk menjual komoditi kepada pihak ketiga (Peniaga Komoditi 2).
- Kami, sebagai wakil anda kemudian menjual komoditi kepada pihak ketiga (Peniaga Komoditi 2) pada harga jual mengikut amaun pembiayaan.
- Hasil penjualan komoditi akan diremit kepada anda, vendor atau pihak berkepentingan mengikut terma dan syarat pembiayaan.

Untuk transaksi Komoditi Murabahah di bawah kemudahan pembiayaan ini, pada setiap masa kami menjadi ejen bagi pihak anda, dalam melaksanakan transaksi Komoditi Murabahah.

**3. Apakah Kadar Asas Islamik (KAI)?**

Kadar Asas Islamik (KAI) adalah kadar harga pembiayaan runcit yang berkuatkuasa 2 Januari 2015 menggantikan Kadar Pembiayaan Asas (KPA) selaras dengan Rangka Kerja Kadar Rujukan baru yang diperkenalkan oleh Bank Negara Malaysia. Di bawah rangka kerja baru ini, kami akan hanya menggunakan kos pembiayaan sebagai penanda aras untuk menentukan kadar asas kami. KAI kami dikira berdasarkan kos purata dana Maybank Islamic. KAI akan diselaraskan apabila terdapat perubahan pada dasar monetari contohnya perubahan Kadar Dasar Semalaman (KDS) serta sebarang perubahan dalam keadaan pendanaan contohnya perubahan pada Kadar Tawaran Antara Bank Kuala Lumpur (KLIBOR).

#### 4. Sejarah penanda aras kos dana (COF) untuk 2 tahun yang lalu



#### 5. Apakah yang dapat saya perolehi daripada produk ini?

No	Ciri - Ciri	Penerangan														
i.	Jumlah Kemudahan	<p>Minimum: RM10,000</p> <p>Maksimum: Sehingga RM200,000.00 bagi setiap pelanggan pada satu masa (termasuk baki Pembiayaan ASB sedia ada, jika ada) atau sehingga jumlah pelaburan maksimum yang dibenarkan oleh Amanah Saham Nasional Berhad (ASNB), yang mana lebih rendah.</p> <p>Jumlah amaun pembiayaan yang diluluskan adalah tertakluk kepada penilaian kredit oleh pihak kami.</p>														
ii.	Kadar Keuntungan Siling (KKS)	Pengiraan KKS pada masa kelulusan pembiayaan ialah Kadar Asas Islamik (KAI*) + 7.65% atau minimum 10.0% setahun, yang mana lebih tinggi. KKS juga dikira sebagai harga siling.														
iii.	Kadar Keuntungan Efektif	<table border="1"> <thead> <tr> <th>Jumlah Pembiayaan</th> <th>Kadar Keuntungan Efektif</th> </tr> </thead> <tbody> <tr> <td colspan="2" style="text-align: center;">Termasuk PRTT</td> </tr> <tr> <td>Bawah RM 50,000.00</td> <td>KAI* + 1.85% setahun</td> </tr> <tr> <td>RM 50,000 dan ke atas</td> <td>KAI* + 1.80% setahun</td> </tr> <tr> <td colspan="2" style="text-align: center;">Tanpa PRTT</td> </tr> <tr> <td>Bawah RM 50,000.00</td> <td>KAI* + 1.95% setahun</td> </tr> <tr> <td>RM 50,000 dan ke atas</td> <td>KAI* + 1.90% setahun</td> </tr> </tbody> </table> <p>*Kadar Asas Islamik (KAI) semasa adalah 1.75% berkuatkuasa 09/07/2020</p>	Jumlah Pembiayaan	Kadar Keuntungan Efektif	Termasuk PRTT		Bawah RM 50,000.00	KAI* + 1.85% setahun	RM 50,000 dan ke atas	KAI* + 1.80% setahun	Tanpa PRTT		Bawah RM 50,000.00	KAI* + 1.95% setahun	RM 50,000 dan ke atas	KAI* + 1.90% setahun
Jumlah Pembiayaan	Kadar Keuntungan Efektif															
Termasuk PRTT																
Bawah RM 50,000.00	KAI* + 1.85% setahun															
RM 50,000 dan ke atas	KAI* + 1.80% setahun															
Tanpa PRTT																
Bawah RM 50,000.00	KAI* + 1.95% setahun															
RM 50,000 dan ke atas	KAI* + 1.90% setahun															
iv.	Margin Pembiayaan	<ul style="list-style-type: none"> <li>• 100% atas nilai nominal unit ASB</li> <li>• 105% (jika termasuk Takaful Peribadi Pengurangan Berjangka (PRTT) dan/atau wasiat fi (jika ada) termasuk cukai perkhidmatan).</li> </ul>														
v.	Tempoh	Sehingga 30 tahun atau menjangkau umur 65 tahun, yang mana lebih awal.														



## 6. Apakah tanggungjawab saya?

Anda hendaklah memastikan bayaran ansuran bulanan dibayar pada 1hb setiap bulan.

Bayaran ansuran bulanan adalah sebanyak RM 455.00

Jumlah keseluruhan bayaran selama 30 tahun ialah sebanyak adalah RM 163,800.00

Kadar	Hari ini (Kadar semasa 3.60%)	Jika kadar keuntungan naik 1% (4.60%)	Jika kadar keuntungan naik 2% (5.60%)
*Ansuran bulanan (Purata)	RM455.00	RM513.00	RM575.00
*Jumlah kos keuntungan pada akhir 30 tahun	RM63,800.00	RM84,680.00	RM107,000.00
*Jumlah pembayaran pada akhir 30 tahun	RM163,800.00	RM184,680.00	RM207,000.00

Nota: Pengiraan di atas adalah berdasarkan andaian berikut. Ianya tertakluk kepada perubahan keatas terma dan syarat

- i. Amaun Pelaburan : RM 100,000
- ii. Kadar Keuntungan : 3.60%
- iii. Tempoh Pembiayaan: 30

Nota: Jumlah ansuran bulanan dan jumlah bayaran mungkin berbeza tertakluk kepada perubahan KAI, dengan notis bertulis kepada anda 21 hari kalendar sebelum tarikh perlaksanaan, mengakibatkan penambahan dalam bayaran bulanan atau pemanjangan dalam tempoh pembayaran Jika KAI berubah, Kadar Keuntungan Efektif akan berubah tetapi tidak melebihi Kadar Harga Siling.

## 7. Apakah yuran dan caj yang perlu saya bayar?

No	Perkara	Yuran/Caj
i.	Duti Setem	Seperti yang tertera di dalam Akta Setem 1949 (pindaan 1989)
ii.	Yuran Sijil ASNB	RM50.00 setiap Sijil

Nota : Yuran/caj akan dibayar kepada pihak ASNB dan Lembaga Hasil Dalam Negeri.

Yuran Sijil ASNB adalah tertakluk kepada mana-mana cukai dikenakan pada kadar semasa yang ditetapkan (jika berkenaan). Jika terdapat perubahan yuran dan caj, notis akan diberi kepada anda tidak kurang dari dua puluh satu (21) hari sebelum tarikh pelaksanaan.

## 8. Bagaimana sekiranya saya gagal memenuhi tanggungjawab saya?

### ▪ Caj Lewat Bayar

Kami mempunyai hak untuk menuntut pampasan ke atas sebarang bayaran lewat dan bayaran tertunggak, berlandaskan mekanisma seperti berikut:

- i. Bayaran Tertunggak  
Sekiranya anda gagal membayar sebarang amaun tertunggak dari tarikh bermulanya kemudahan dikeluarkan sehingga tarikh matang, Caj Lewat Bayar sebanyak 1% setahun akan dikenakan ke atas amaun yang tertunggak.



	<p>ii. <u>Apabila Matang</u> Kadar Pasaran Kewangan Interbank Islam (IIMM) akan dikenakan sekiranya kegagalan membayar jumlah baki keseluruhan pembiayaan selepas tempoh matang atau sehingga penghakiman, yang mana terdahulu. Walaubagaimanapun, Caj Lewat Bayar yang dikenakan tidak akan dikompaun kepada baki Jumlah Kemudahan.</p>
<p>▪ <b>Hak Penjualan</b></p>	<p>Kami berhak menjual Sijil ASB jika berlaku Kejadian Mungkir (tunggakan bayaran ansuran untuk dua (2) bulan atau lebih) dan tindakan undang-undang boleh diambil terhadap anda jika masih terdapat sebarang kekurangan bayaran selepas penjualan sijil ASB.</p>
<p>▪ <b>Hak Penyelesaian</b></p>	<p>Pihak kami berhak menolak selesai (dengan 7 hari kalendar notis bertulis diberikan terlebih dahulu) mana-mana baki kredit dalam akaun anda yang dibuka dengan kami untuk membayar mana-mana jumlah tertunggak yang melibatkan kemudahan ini.</p>
<p>▪ <b>Kadar Kemungkiran</b></p>	<p>Jika berlaku kemungkiran selama (3) bulan dalam sebarang pembayaran tertunggak atau akaun kemudahan tunai-i melebihi had tiga (3) bulan dibawah pembiayaan ini, pihak kami berhak untuk menaikkan margin keuntungan bagi kadar keuntungan efektif kepada Kadar Pembiayaan Asas + 2.5% setahun atau 1.0% setahun keatas kadar keuntungan efektif (jika kadar keuntungan efektif ialah Kadar Pembiayaan Asas + 2.5% setahun atau lebih), (“kadar kemungkiran”) akan dikenakan pada jumlah yang tertunggak tidak melebihi Kadar Harga Siling, atau kadar keuntungan lain dimana Bank akan menetapkan sendiri atau atas budi bicara kami dari semasa ke semasa.</p> <p>Dengan syarat bahawa kenaikan itu tidak akan menyebabkan jumlah pembayaran keseluruhan melebihi harga jualan bank. Kadar keuntungan kemungkiran akan ditukar semula kepada kadar keuntungan efektif semasa setelah semua tunggakan telah dibayar sepenuhnya.</p>
<p>▪ <b>Tindakan undang-undang</b></p>	<ol style="list-style-type: none"><li>1. Tindakan undang-undang boleh diambil terhadap anda dalam keadaan berikut:<ol style="list-style-type: none"><li>a) Akumulasi jumlah kekurangan defisit bayaran bulanan (jika ada).</li><li>b) Kegagalan memberi respond kepada notis peringatan.</li></ol></li><li>2. Tindakan undang-undang yang dikenakan terhadap anda akan menjejaskan penilaian kredit yang akan menyukarkan atau membebankan anda pada masa hadapan.</li><li>3. Anda akan dimaklumkan terlebih dahulu untuk apa-apa tindakan undang-undang yang bakal diambil oleh kami.</li></ol>

**9. Bagaimana sekiranya saya membuat penyelesaian sepenuhnya ke atas kemudahan ini sebelum tarikh matang?**

- i. Kami akan memberi rebat (Ibra') kepada anda dalam, tetapi tidak terhad kepada situasi-situasi berikut:
- a) Anda membuat penyelesaian awal atau penebusan awal, termasuk yang terbit dari bayaran awal;
  - b) Sekiranya kadar keuntungan efektif lebih rendah dari kadar keuntungan siling; dan
  - c) Sekiranya jumlah pengeluaran sebenar adalah rendah dari harga jualan bank.
- ii. Bagi mengelak keraguan, adalah diperakui dan dipersetujui bahawa rebat-rebat berkenaan tidak boleh dianggap sebagai rebat tunai yang perlu dibayar kepada anda, tetapi diterjemahkan sebagai tolakan dari elemen keuntungan bayaran ansuran kemudahan tersebut. Rebate berkenaan hanya akan diberikan selepas penerimaan jumlah penyelesaian/penebusan sebagaimana ditentukan oleh pihak kami.

Baki Harga Jualan	<b>Tolak</b>	Baki Kemudahan	<b>Tolak</b>	Amaun Lain Yang Perlu Dibayar Kepada Bank
----------------------	--------------	-------------------	--------------	----------------------------------------------

Nota: Untuk ilustrasi selanjutnya tentang rebat, sila rujuk [www.maybank2u.com.my](http://www.maybank2u.com.my)

**10. Adakah saya memerlukan penjamin atau cagaran?**

- i. Unit pelaburan ASB melalui pembiayaan ini akan digunakan sebagai cagaran.
- ii. Penjamin adalah tidak diwajibkan, dan ia akan berdasarkan kepada keupayaan pembayaran dan lain-lain pertimbangan kredit:-
- o Satu (1) penjamin sahaja. Ia mestilah ahli keluarga terdekat iaitu suami atau isteri, ibu bapa atau anak yang boleh membuat bayaran balik pembiayaan.
  - o Berumur 18 tahun dan ke atas atau tidak melebihi umur 65 tahun pada akhir tempoh pembiayaan.
  - o Penjamin mestilah mempunyai rekod pembayaran balik pembiayaan yang memuaskan di institusi kewangan.
  - o Tidak muflis.
  - o Nisbah khidmat hutang sehingga 80%.

**11. Adakah saya memerlukan perlindungan takaful?**

Anda digalakkan untuk mengambil pelan perlindungan takaful untuk perlindungan sekiranya berlaku kematian dan kecacatan kekal. Jumlah caruman takaful atas sumbangan tunggal bergantung kepada jumlah pembiayaan, umur dan jantina. Anda adalah disyorkan untuk mengambil perlindungan takaful daripada pengendali takaful panel kami (Etiqa Family Takaful Berhad) atau mana-mana panel takaful yang diluluskan oleh kami.

Nota: Sumbangan takaful perlu dibiayai oleh anda samada melalui pembayaran secara tunai atau pembiayaan.

**12. Berapakah jumlah sijil yang saya boleh beli pada setiap permohonan pembiayaan ASB?**

Jumlah belian sijil yang dibenarkan adalah mengikut jumlah unit seperti berikut :

<b>JUMLAH UNIT</b>	<b>JUMLAH SIJIL YANG DIBENARKAN</b>
< 50,000.00	2 SIJIL
<b>JUMLAH SIJIL</b>	<b>NILAI SIJIL</b>
0	Sijil Pertama : RM

	Sijil Kedua : RM
<b>JUMLAH NILAI SIJIL</b>	<b>RM0.00</b>
<b>JUMLAH UNIT</b> 50,000 - 100,000	<b>JUMLAH SIJIL YANG DIBENARKAN</b> 3 SIJIL
<b>JUMLAH SIJIL</b>	<b>NILAI SIJIL</b>
1	Sijil Pertama : RM
	Sijil Kedua : RM
	Sijil Ketiga : RM
<b>JUMLAH NILAI SIJIL</b>	<b>RM100,000.00</b>
<b>JUMLAH UNIT</b> > 100,000	<b>JUMLAH SIJIL YANG DIBENARKAN</b> 4 SIJIL
<b>JUMLAH SIJIL</b>	<b>NILAI SIJIL</b>
0	Sijil Pertama : RM
	Sijil Kedua : RM
	Sijil Ketiga : RM
	Sijil Keempat : RM
<b>JUMLAH NILAI SIJIL</b>	<b>RM100,000.00</b>

Nota : Yuran sijil adalah tertakluk kepada terma dan syarat yang dikenakan oleh ASNB

### 13. Apakah faedah yang saya perolehi jika saya membuat pembelian lebih dari 1 sijil?

Ia adalah bertujuan untuk memudahkan anda menebus sijil yang telah berbayar untuk kegunaan peribadi, tertakluk kepada terma dan syarat.

### 14. Bolehkah saya membuat permohonan bersama untuk pembiayaan ASB?

Ya, anda boleh memohon Pembiayaan ASB bersama tertakluk pada syarat and terma yang telah ditetapkan. Kelayakan untuk pemohon bersama adalah seperti berikut;

- Pemohon bersama mestilah warganegara Malaysia dan daripada ahli keluarga terdekat iaitu suami atau isteri, ibu bapa, anak atau adik-beradik yang boleh membuat bayaran balik
- Berumur 18 tahun dan ke atas atau tidak melebihi umur 65 tahun pada akhir tempoh pembiayaan.
- Pemohon bersama mestilah mempunyai rekod pembayaran balik pembiayaan yang memuaskan di institusi kewangan.
- Tidak muflis.

**15. Bagaimana jika saya ingin mengeluarkan jumlah yang telah saya bayar dari akaun pembiayaan yang sedia ada?**

Anda boleh mengeluarkan jumlah yang telah dibayar melalui pakej penebusan separa, tertakluk kepada terma dan syarat.

**16. Bolehkah saya memilih untuk penyerahan secara fizikal komoditi tersebut? Apakah kos yang terlibat?**

Anda boleh memilih untuk penyerahan secara fizikal komoditi tertakluk kepada terma dan syarat oleh kami. Semua kos berkaitan dengan arahan anda untuk penyerahan secara fizikal komoditi tersebut perlu ditanggung oleh anda.

**17. Apakah yang perlu saya lakukan jika terdapat perubahan pada maklumat untuk menghubungi saya?**

Adalah penting untuk anda memaklumkan kepada kami mengenai sebarang pertukaran maklumat untuk menghubungi anda bagi memastikan anda menerima semua surat-menyurat tepat pada masanya. Untuk mengemaskini maklumat perhubungan anda, sila hubungi mana-mana cawangan Maybank atau Maybank Islamic yang berdekatan.

**18. Di mana saya boleh mendapatkan bantuan dan maklumat lanjut?**

- Jika anda mempunyai masalah untuk membuat bayaran ansuran bulanan, anda harus menghubungi kami secepat mungkin untuk membincangkan pilihan-pilihan yang ada. Kami boleh dihubungi di:

**Maybank**

Cawangan : \_\_\_\_\_  
Alamat : \_\_\_\_\_  
Tel/Fax : \_\_\_\_\_  
Email : \_\_\_\_\_

- Sebagai pilihan, anda juga boleh mendapatkan nasihat daripada Agensi Kaunseling dan Pengurusan Kredit (AKPK), sebuah agensi yang telah ditubuhkan oleh BNM untuk menyediakan perkhidmatan pengurusan kewangan, kaunseling kredit, pendidikan kewangan dan penstrukturan semula pembiayaan secara percuma kepada individu. Untuk membuat pertanyaan, sila hubungi :

Tingkat 8, Maju Junction Mall  
1001, Jalan Sultan Ismail  
50250 Kuala Lumpur  
Tel: 03-26167766  
E-mail : enquiry@akpk.org.my

- Jika anda ingin membuat sebarang aduan mengenai produk atau perkhidmatan kami, anda boleh menghubungi kami di:

**Maybank**

Khidmat Pengurusan Maklumbalas Pelanggan  
Tingkat 28, Menara Maybank  
100 Jalan Tun Perak  
50050 Kuala Lumpur  
Talian Utama: 03-20748075  
Email: cfm@maybank.com.my

- Jika pertanyaan dan aduan anda tidak dapat diselesaikan oleh pihak kami, anda juga mempunyai pilihan untuk menghubungi BNM LINK atau TELELINK di:  
Block D, Bank Negara Malaysia  
Jalan Dato' Onn  
50480 Kuala Lumpur  
Tel: 1-300-88-5465  
Fax: 03-2174 1515  
Email : bnmtelelink@bnm.gov.my

**NOTA PENTING: TINDAKAN UNDANG-UNDANG BOLEH DIAMBIL TERHADAP ANDA JIKA ANDA GAGAL MEMBAYAR KEMUDAHAN INI.**

Maklumat yang disediakan di dalam helaian ini sah dari **Februari 2020**.

**Pengakuan Pelanggan**

Dengan ini saya mengesahkan bahawa saya telah membaca dan memahami isi kandungan Helaian Makluman Produk.

**Pelanggan:**

Tandatangan : \_\_\_\_\_

Nama : \_\_\_\_\_

No Kad Pengenalan : \_\_\_\_\_